

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i članova 33. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), na prijedlog Ministarstva zdravstva, Vlada Zeničko-dobojskog kantona, na 16. sjednici, održanoj dana 09.02.2024. godine, d o n o s i

ODLUKU

**o usvajanju Programa utroška sredstava Ministarstva zdravstva na poziciji „Tekući transfer za JU Institut za zdravlje i sigurnost hrane Zenica za istraživanje“
Budžeta Zeničko-dobojskog kantona za 2024. godinu – Izvor 10**

Član 1.

(Predmet)

Usvaja se Program utroška sredstava u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX012, pozicija „Tekući transfer za JU Institut za zdravlje i sigurnost hrane Zenica za istraživanje“ Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), u ukupnom godišnjem iznosu od 100.000,00 KM (slovima: stotinhiljada konvertibilnih maraka) koji čini sastavni dio ove odluke.

Član 2.

(Način realizacija sredstava)

Sredstva planirana ovim programom realizovat će se u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-11-2659/24

Datum, 09.02.2024. godine

Z e n i c a

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M
utroška sredstava Ministarstva zdravstva na poziciji „Tekući transfer za JU Institut za
zdravlje i sigurnost hrane Zenica za istraživanje“
Budžeta Zeničko-dobojskog kantona za 2024. godinu – Izvor 10

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2024. godinu u razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX012, pozicija „Tekući transfer za JU Institut za zdravlje i sigurnost hrane Zenica za istraživanje“.

II. SVRHA PROGRAMA

Svrha ovog programa je finansijska podrška Vlade Kantona kroz finansiranje programa javnozdravstvenih istraživanja koje provodi JU Institut za zdravlje i sigurnost hrane Zenica na području Zeničko-dobojskog kantona, a u skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13). Programi javnozdravstvenih istraživanja koji će biti sufinansirani sredstvima iz Budžeta Zeničko-dobojskog kantona za 2024. godinu su:

1. Određivanje mikotoksina u dječijoj hrani, žitaricama i orašastim plodovima
2. Procjena prehrambenih navika i stanja uhranjenosti studentske populacije na Univerzitetu u Zenici
3. Uticaj režima ishrane i prehrambenih navika srednjoškolaca na stanje uhranjenosti i pravilan rast i razvoj

Mikotoksini predstavljaju ozbiljan rizik po zdravlje, posebno kod dece te kontinuirano praćenje prisustva mikotoksina ključno je za osiguranje sigurnosti hrane.

Zdrave prehrambene navike među studentima doprinose opštem zdravlju i radnoj produktivnosti stoga identifikacija obrazaca ishrane pomaže prilagodbi ponude hrane u studentskim objektima.

Zdrava ishrana u srednjoškolskom uzrastu ključna je za pravilan rast i razvoj. S ti u vezi prevencija nepravilne ishrane može smanjiti rizik od hroničnih bolesti u kasnijem životu.

III. VISINA SREDSTAVA

Sredstava utvrđena ovim programom iznose na godišnjem nivou 100.000,00 KM (slovima: stotinu hiljadak konvertibilnih maraka).

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX012, pozicija „Tekući transfer za JU Institut za zdravlje i sigurnost hrane Zenica za istraživanje“.

V. KORISNIK SREDSTAVA

Krajnji korisnik Programa je JU Institut za zdravlje i sigurnost hrane Zenica, čiji je osnivač Vlada Zeničko-dobojskog kantona, koja sukladno članu 13. Zakona o zdravstvenoj zaštiti provodi mjere za unapređenje zdravlja i prevenciju bolesti na području kantona.

VI. KRITERIJ ZA RASPODJELU SREDSTAVA

Kriteriji raspodjele sredstava je Plan utroška sredstava - Programi javnozdravstvenih istraživanja Institut za zdravlje i sigurnost hrane Zenica koji je JU Institut za zdravlje i sigurnost hrane Zenica dostavila Ministarstvu zdravstva svojim dopisom broj: 02-251/24 od 22.01.2024. godine.

Transferisanje sredstava JU Institut za zdravlje i sigurnost hrane Zenica vršit će se u skladu sa odlukom Vlade Zeničko-dobojskog kantona o odobravanju sredstava.

Za transferisanje sredstava korisniku ovog Programa zadužuju se Ministarstvo zdravstva i Ministarstvo finansija Zeničko-dobojskog kantona, svako u okviru svoje nadležnosti.

VII. IZVJEŠTAVANJE KORISNIKA

JU Institut za zdravlje i sigurnost hrane Zenica dužna je izvjestiti Ministarstvo zdravstva o namjenskom utrošku sredstava na način kako će biti određeno odlukom o odobravanju sredstava.

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 46. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 21/23) o utrošku sredstava po ovom programu polugodišnje izvještavati Vladu Zeničko-dobojskog kantona.

PREMIJER

Broj: 02-11-2659/24

Datum, 09.02.2024. godine

Z e n i c a

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.